

U skladu sa članovima 10 i 12, Zakona o udruženjima i fondacijama Bosne i Hercegovine (Sl.glasnik Bosne i Hercegovine, broj:32/01) Osnivačka Skupština Udruženja geologa u Bosni i Hercegovini na svojoj sjednici, koja je održana 24.06. 2004 godine u Kladnju donijela je

S T A T U T

«UDRUŽENJA GEOLOGA U BOSNI I HERCEGOVINI»

1.OPŠTE ODREDBE

Član-1

Udruženje je osnovano odlukom o osnivanju Udruženja geologa u Bosni i Hercegovini dana 24.06.2004.godine u skladu sa Zakonom o udruženjima i fondacijama Bosne i Hercegovine (Sl.glasnik Bosne i Hercegovine, broj:32/01).

2.NAZIV I SJEDIŠTE UDRUŽENJA

Član-2

Puni naziv udruženja je "UDRUŽENJE GEOLOGA U BOSNI I HERCEGOVINI".
"УДРУЖЕЊЕ ГЕОЛОГА У БОСНИ И ХЕРЦЕГОВИНИ".
UDRUGA GEOLOGA U BOSNI I HERCEGOVINI".

Skraćeni naziv udruženja je: UGBIH
УГБИХ

Puni naziv udruženja službeno se koristi na latinici i ćirilici.

Član 3

Sjedište Udruženja: Ilidz 71210, Ustanička 11.

Član-4

Udruženje ima svoj pečat. Pečat je okruglog oblika promjera tri cm, u čijem krugu je napisano: Udruženje geologa u Bosni i Hercegovini. Tekst je ispisan latinicom i ćirilicom

Član 5.

Udruženje djeluje na cijeloj teritoriji Bosne i Hercegovine.

3.CILJEVI I DJELATNOST UDRUŽENJA

Član- 6

- promocija novih geonaučnih informacija i njihova aplikacija u istraživanju mineralnih sirovina i podzemnih voda,
- promocija zaštite okoliša i geološkog naslijedja,
- promocija i održavanje različitih oblika edukacije i praktične primjene geologije u javnosti,
- učestvuje u javnim raspravama kod donošenja zakona iz oblasti geologije,
- promocija profesionalnosti i etičkih standarda u nauci o Zemlji
- način realizacije navedenih ciljeva se ostvaruje putem održavanja, seminara, savjetovanja, predavanja, kongresa, izdavanjem publikacija, brošura i uputstava.

Član-7

Navedene ciljeve Udruženje ostvaruje na način određene Zakonom i ovim Statutom. Ostvarivanje svojih ciljeva Udruženje se neće uključivati u predizborne kampanje niti će izdvajati sredstva za kandidate ili za finansiranje političkih stranaka.

4.ČLANSTVO

Član 8.

Svojstvo člana Udruženja može steći svako fizičko lice koje je državljanin Bosne i Hercegovine, kao i lica iz inostranstva koja prihvataju odredbe ovog Statuta i ciljeve Udruženja. Članovi udruženja mogu postati i pravna lica registrirana na području Bosne i Hercegovine, ako prihvataju odredbe ovog Statuta.

Članstvo u Udruženju je dobrovoljno.

Članovi Udruženja mogu biti: redovni, počasnici i zaslužni.

Svojstvo člana Udruženja stiče se na osnovu zahtjeva za prijem u članstvo i izjave o prihvatanju ciljeva i Statuta Udruženja. Zahtjev za članstvo daje se Upravnom odboru udruženja, koji i donosi odluku o prijemu novog člana. Protiv odluke Upravnog odbora, u roku od 30 dana, može se izjaviti prigovor Skupštini Udruženja, čija je odluka konačna.

Član 9.

Prava i dužnosti članova su:

- da preko svojih predstavnika ili neposredno biraju ili budu birani u organe Udruženja,
- da sprovode ciljeve i zadatke koji proizilaze iz Statuta Udruženja ,
- da sprovode odluke, zaključke i preporuke organa Udruženja,
- da traže od Udruženja savjete u rješavanju svojih stručnih problema
- da učestvuju u akcijama koje organizira Udruženje
- da budu redovno i blagovremeno obavještavani o aktivnostima Udruženja
- da redovno plaćaju članarinu.

Član 10

Članstvo u Udruženju prestaje:

- kada član pismeno izjavi da istupa iz Udruženja ,
- isključenjem člana
- prestankom rada Udruženja

Svaki član Udruženja može istupiti iz Udruženja, na osnovu pismene izjave o istupanju koju dostavlja Upravnom odboru Udruženja. Dan prestanka članstva smatrat će se datum prijema izjave o istupanju.

Član Udruženja koji grubo krši Statut Udruženja, ne ispunjava svoje obaveze ili svojim postupcima nanosi štetu Udruženju ili mu narušava ugled može biti isključen iz Udruženja.

Odluku o isključenju člana donosi Upravni odbor.

Prije donošenja odluke o isključenju , član Udruženja mora biti obaviješten o prijedlogu za isključenje, kao i o razlozima zbog kojih se predlaže isključenje.

Član 11

Počasnici odnosno zaslužni članovi su članovi Udruženja, kojima organi Udruženja na osnovu odluke Skupštine i obrazloženog pismenog prijedloga, a po posebnom Pravilniku, dodjele status počasnog člana.

5. ORGANI UDRUŽENJA

Član 12

Organi UDRUŽENJA su:

- Skupština,
- Upravni odbor i
- Nadzorni odbor.

Član 13

-Skupština Udruženja je najviši organ Udruženja, koju čine svi članovi Udruženja. Skupština je nadležna da:

- donosi i mijenja Statut
- određuje smjernice rada,
- utvrđuje program rada,
- raspravlja i usvaja izvještaj o radu između dvije Skupštine ,
- bira upravni i nadzorni odbor,

- bira predsjednika
- donosi rješenja po žalbama,
- razmatra i usvaja Izvještaj o financijskom poslovanju,
- odlučuje o prestanku rada,
- odlučuje o drugim pitanjima koja nisu u nadležnosti drugih organa,

Član-14

Skupštinu sačinjavaju osnivači i članovi Udruženja. Skupštinu saziva predsjednik, najmanje jednom godišnje, a izbornu Skupštinu svake druge godine. Predsjednik Skupštine je i predsjednik Udruženja. Vanredna Skupština saziva se na zahtjev Upravnog odbora ili najmanje jedne trećine redovnih članova Skupštine u roku od 60 dana od dana podnošenja zahtjeva. Ako predsjednik ne sazove Skupštinu, u roku iz prethodnog stava, odluku o sazivanju Skupštine donosi Upravni odbor.

Član-15

Rad Skupštine je javan. Odluke se donose većinom glasova. O načinu glasanja odlučuje Skupština. Odluke su punovažne ako Skupštini prisustvuje više od polovine članova sa pravom glasa, što se utvrđuje na početku sjednice. U slučaju nedovoljnog broja prisutnih početak Skupštine se odlaže zajedan sat poslije čega Skupština može punovažno odlučivati. Skupština Udruženja odlučuje većinom glasova prisutnih članova, ako Statutom ili Zakonom nije drugačije propisano.

Član-16

O radu Skupštine vodi se zapisnik u koji se unose svi zaključci donijeti na Skupštini. Zapisnik potpisuje predsjednik Skupštine, zapisničar i dva ovjerivača zapisnika.

Član-17

Skupština iz reda članova Skupštine bira predsjednika, Upravni i Nadzorni odbor. Predsjednik Skupštine saziva sjednice i stara se o provođenju odluka koje donosi Skupština.

Član-18

Upravni odbor je izvršni organ Skupštine i imenuje se na period od dvije godine, bez mogućnosti ponovnog izbora.

Upravni odbor ima ukupno pet (5) članova: predsjednika, 2 podpredsjednika i 2 člana.

Član-19

Upravni odbor se sastaje po potrebi, a najmanje jedanput u dva mjeseca. Upravni odbor punovažno odlučuje, kada sjednici prisustvuje većina članova.

Upravni odbor obavlja slijedeće poslove:

- priprema sjednice Skupštine,
- priprema nacrt Statuta i drugih akata koje donosi Skupština,
- provodi politiku, zaključke i druge odluke koje je donijela Skupština,
- raspolaze imovinom Skupštine,
- izvršava odluke, zaključke Skupštine,
- prati stanje i realizaciju programa rada Udruženja i ukazuje na određena pitanja i probleme,
- priprema odlučuje o raspolaganju imovinedonosi poslovnik o radu,
- ostvaruje saradnju sa srodnim organizacijama i asocijacijama,
- podnosi godišnji i periodični izvještaj o radu,
- izvršava i druge zadatke povjerene od strane Skupštine.

Član 20.

Članovi Upravnog odbora mogu biti opozvani i prije isteka roka vremena na koje su izabrani i to na sopstveni zahtjev, ako neopravdano izostaje sa sastanak, ako svojim radom ruši ugled Udruženja. Opoziv člana Upravnog odbora odlučuje Skupština Udruženja većinom glasova.

Član 21.

U slučaju potrebe Upravni odbor može pored stalnih radnih tijela iz prethodnih članova imenovati povremena radna tijela (podkomisije, radne grupe) radi obavljanja vanrednih zadataka.

Član-22

Administrativne i računovodstvene poslove za Udruženje obavlja sekretar ili druga lica koja odredi Upravni odbor.

Član-23

Nadzorni odbor čine predsjednik i dva člana koje bira Skupština Udruženja na period od dvije godine.

Nadzorni odbor je nadležan za kontrolu:

- pravilnog provođenja zakonskih propisa, odredaba ovog Statuta i drugih akata ,
- korištenja imovine Udruženja,
- zakovitosti finansijskog poslovanja Udruženja.

Član 24.

Nadzorni odbor podnosi izvještaj Skupštini Udruženja najmanje jedanput godišnje. Skupština može donijeti opšti akt kojim se bliže uređuju ovlaštenja i način rada Nadzornog odbora u vršenju nadležnosti utvrdjene ovim Statutom. Nadzorni odbor donosi poslovník o svom radu.

6. IMOVINA UDRUŽENJA, KORIŠTENJE I RASPOLAGANJE SREDSTVIMA UDRUŽENJA

član-25

Imovinu Udruženja čine: prava, stvari i novac, koje Udruženje stiče u skladu sa Zakonom i ovim Statutom. Za obaveze prema trećim licima Udruženje odgovara cjelokupnom imovinom.

Član 26

Udruženje može sticati imovinu iz slijedećih izvora:

- članarine,
- donacija fizičkih i pravnih lica kako u gotovini tako i u imovini i uslugama,
- državnih subvencija,
- prihoda kroz ostvarivanje ciljeva i aktivnosti Udruženja u skladu sa ovim Statutom i Zakonom ,

Član-27

Financijska sredstva se raspoređuju prema Programu i finansijskom planu kojeg donosi Skupština Udruženja . Finansijski plan se donosi za svaku godinu.

Član-28

Visinu godišnje članarine predlaže Upravni odbor koja je jedinstvena za sve članove. Konačnu odluku o visini članarine donosi Skupština Udruženja .

Član-29

Udruženje je dužno voditi poslovne knjige u skladu sa prihvaćenim računovodstvenim principima i sastavljati finansijske izvještaje, saglasno važećim propisima.

Član 30

Upravni odbor je dužan najmanje jedanput godišnje, podnijeti Skupštini udruženja izvještaj sa podacima o imovini Udruženja, korištenju imovine, приходima i rashodima Udruženja.

Član 31

Kontrolu finansijskog poslovanja Udruženja vrši Nadzorni odbor, na način utvrdjen ovim Statutom.

Član 32

Lica ovlaštena da potpisuju akte koji se odnose na sticanje i raspolaganje imovine Udruženja i finansijsko poslovanje su predsjednik i podpredsjednici Udruženja..

Član 33

Svaki član Udruženja ima pravo da ostvari uvid u poslovne knjige i drugu dokumentaciju u vezi sa imovinom i finansijskim poslovanjem Udruženja.

Ostvarivanje prethodnog stava dužan je osiguratu Upravni odbor, najkasnije u roku od 15 dana od dana prijema pismenog zahtjeva člana Udruženja.

Član 34

Skupština Udruženja može donijeti opšte akte kojima se i skladu sa ovim Statutom bliže uređuju pravila za ostvarivanje, korištenje i raspolaganje sredstvima Udruženja, i za nadzor nad trošenjem tih sredstava.

7. JAVNOST RADA

Član 35

Rad udruženja je javan.

Javnost rada Udruženja ostvaruje se na način utvrđen ovim Statutom.

Član 36.

Organi Udruženja dužni da ovlaštenim predstavnicima sredstava informisanja učine dostupne podatke i informacije koje se odnose na rad Udruženja.

Član 37

Predstavnici informisanja imaju pravo prisustvovati sjednicama organa Udruženja i da izvještavaju o radu tih organa.

Član 38.

Članovi imaju pravo da budu redovno informisani o radu svih organa Udruženja o čemu se staraju predsjednik Udruženja i Upravni odbor.

Član 39.

Inicijativu za izmjene i dopune Statuta može podnijeti svaki član Udruženja. Inicijativa se podnosi Upravnom odboru, pismenim putem i sa odgovarajućim obrazloženjem.

Član 40.

Prijedlog izmjene i dopune Statuta utvrđuje Upravni odbor. Utvrđeni prijedlog dostavlja se Skupštini, pismenim putem i sa odgovarajućim obrazloženjem, najmanje tri dana prije održavanja Skupštine.

Član 41.

O izmjenama i dopunama Statuta odlučuje Skupština, sa većinom glasova ukupnog broja članova Udruženja.

Član 42.

Predsjednik Skupštine potpisuje 4 primjerka o izmjenama i dopunama Statuta, koji se smatraju originalima i čuvaju u arhivi Udruženja.

Član 43.

Pored Statuta organi Udruženja mogu donositi i druge opšte akte i to:

- odluke
- pravilnike i
- poslovnike

Opšti akti Udruženja moraju biti u skladu sa zakonom i Statutom Udruženja.

Član 44.

Odluke, kao opšti akti, donose se u slučajevima kada je to izričito utvrđeno Zakonom i ovim Statutom, kao i kada je to od značaja za ostvarivanja ciljeva Udruženja.

Član 45.

Pravilnikom se na opšti način uređuju odnosi između članova Udruženja, kao i međusobni odnosi organa Udruženja u ostvarivanju njihovih nadležnosti.

46.

Poslovníkom se bliže uređuje način rada organa Udruženja u izvršavanju njihovih nadležnosti utvrđenih Statutom.

Član 47.

Originalni primjerci opštih akata Udruženja čuvaju se u arhivi Udruženja.

8. PREDSTAVLJANJE I ZASTUPANJE UDRUŽENJA

Član 48.

Predstavljanje i zastupanje Udruženja, u skladu sa odredbama ovog Statuta, povjereno je predsjedniku i dva podpredsjednika udruženja.

Član 49.

Predsjednika i dva podpredsjednika Udruženja bira Skupština, na mandat od 1 godine. Predsjednik i podpredsjednici odgovaraju za svoj rad Skupštini. Predsjednik Udruženja je naredbodavac za izvršenje finansijskog plana Udruženja i odgovoran je za zakonitost rada Udruženja. Predsjednika u odsutnosti mijenjaju podpredsjednici, sa svim pravima i ovlaštenjima predsjednika.

Član 50.

Predsjednik i dva podpredsjednika odgovorni su sprovođenje poslovne politike Udruženja, kao i za neostvarivanje planiranih rezultata rada Udruženja.

Predsjednik Udruženja je obavezan najmanje jednom godišnje podnijeti pismeni izvještaj o radu Udruženja na usvajanju Skupštini.

Član 51.

Predsjednik Udruženja ima prava, dužnosti i odgovornosti da:

- rukovodi radom Udruženja i organizira njegov rad,
- zastupa i predstavlja Udruženje,
- stara se o realizaciji ciljeva i realizaciju zadataka i zakonitosti,
- saziva Skupštinu,
- podnosi izvještaj o radu,
- stara se o pravilnom korištenju imovine Udruženja,

Član 52.

U postupcima u kojima Udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik može dati pismenu punomoć stručnom licu, da zastupa Udruženje.

9. PRESTANAK RADA UDRUŽENJA

Član 53.

Udruženje prestaje sa radom dobrovoljno ili po sili Zakona.

Član 54.

Udruženje prestaje sa radom dobrovoljno, ako Skupština dvotrećinskom većinom svih članova Udruženja donese odluku o raspuštanju Udruženja.

Član 55.

Istovremeno odlukom o raspuštanju Udruženja, Skupština donosi plan likvidacije udruženja kojim se utvrđuje raspored imovine, prava i obaveze Udruženja, u skladu sa Statutom Udruženja.

Skupština imenuje likvidatora Udruženja čija dužnost je da se stara o izvršenju plana likvidacije i koji ovlašteno zastupa Udruženje u postupku likvidacija kod nadležnih organa.

Član 56.

U postupku likvidacije Udruženja iz imovine Udruženja izmiriće se sve dospjele zakonske obaveze kao i obaveze.

10. ZAVRSNE ODREDBE

Član-57

Ovaj Statut stupa na snagu danom usvajanja na Osnivačkoj skupštini Udruženja, a primjenjuje se od dana upisa u registar udruženja kod nadležnog ministarstva.

Kladanj 24.06.2004 god
Broj: 01/04

Predsjednik Skupštine

Dr Hazim Hrvatović